



Inatsisartunut ilaasortaq  
Mariane Paviasen, Inuit Ataqtigiit

## Neqi A/S-ip siunissaa pillugu § 37 naapertorlugu apeqquteqaammut akissut

Asasara Mariane Paviasen,

Inatsisartut Suleriaasianni § 37, imm. 1 naapertorlugu Neqi A/S-ip siunissaa pillugu Naalakkersuisunut apeqquteqaateqarputit. Apeqqutit uannit akisassanngorlugit innersuunneqarput.

- 1. Naalakkersuisut oktober 2023-mi ilisimatitsissutigaa Neqi-p siunissaata nalorninaallisinnissaa siunertaralugu suleqatigiissitaliortoqarsimasoq naalakkersuisoqarfinnit attuumassuteqarfiusuniit aammalu KNI-mit inuttalerneqartumik. Suleqatigiissitap Neqi A/S-p siunissaa pillugu tikkuussillunilu siunnersuuteqarnissaa qaqugu pinissaa naatsorsuutigineqarsinnaava?**

Akissut:

Suleqatigiissitap taaneqartup suli Neqi A/S-ip siunissaa inissinniarlugu aaqqiissutissamik nassaarniarnini imaluunniit aaqqiissutissatut siunnersuutissaasinnaasunik pissarsiniarnini sulissutigaa. Naalakkersuisut maannarpiaq suliap taassuma naammassinissaanut piffissamik aalajangiisinnaanngillat.

- 2. Naalakkersuisut Neqi A/S siunissami ukiup qanoq ilinera malillugu ingerlatsisarlu ingerlaannartussatut isumaqarpat?**

Akissut:

Suleqatigiissitap Naalakkersuisunit pilersinneqartup KNI A/S aamma Neqi A/S suleqatigalugit aaqqiissutissanut najoqqutassianik, Neqi A/S-ip siunissami atugassaanut sinaakkusiussassanik pitsaanerpaanik qulakkeerinniffiusussat ineriartortinniarpai.

- 3. Neqi A/S-imi 2023-mi ukiup ilaannaani suliaqarfiusumi atorfeqartartut aammalu aalajangersimasumik atorfeqartitat qassiusimappat?**

Akissut:

Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfiup Neqi A/S akissuteqartippaa. Neqi A/S imatut paasisstissiivoq:

*”Neqi A/S 2023-mi ukiup ilaani atorfilinnik 119-inik, aalajangersimasunik atorfilinnik nalunaaquttap akunnermusialinnik 29-nik, qaammammusialinnik arfineq marlunnik aamma ilinniartunik pingasunik atorfeqartitsivoq.*

Allakkap ullua: 07-02-2024  
Suliap normua.: 2024 - 2238  
Allagaatit ilisarnaataat:  
23834064

Postboks 1614  
3900 Nuuk  
Oqarasuaat.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

*Aalajangersimasumik atorfillit 29-usunit aqqaneq marluk toqoraanissaq sioqqullugu soraareersimapput. Ataatsimut isigalugu aalajangersimasumik atorfillit nalunaaquttap akunnermusiallit ukioq kaajallallugu atorfillit 15,4-t naligaat.*

*Ukiup ilaani atorfilinnik sulisut tassaapput nalunaaquttap akunnerini tallimaannarni sulisimasuniit sulisunut, piffissaq toqoraaffiusoq tamakkerlugu naapertuillutik sulisimasunut. Ataatsimut isigalugu ukiup ilaani sulisimasut ukioq kaajallallugu sulisut 9,8-t naligaat.”*

#### **4. Neqi A/S-imi 2023-ip naanerani aammalu 2024-p aallartinnerani aalajangersimasumik atorfeqartitanik soraarsitsisariaqarnikuua?**

Akissut:

Nunalerinermut, Imminut Pilersornermut, Nukissiutitut Avatangiisinullu Naalackersuisoqarfiup Neqi A/S akissuteqartippaa, imatullu paasissutissiivoq:

*”Neqi A/S-ip ukiup ilaani sulisut ilaannik juulli tikillugu atorfeqartitsererluni januaarimi sulisut amerlassusiinik iluarsisarnera nalinginnaasuvoq, piffissami tassani agguinerit ulapputigineqartarmata. Ilangaaseereerermi januaarip naanerani Neqi A/S siorna taamaalerneranut naleqqiullugu pingasunik ikinnerusunik atorfeqartitaqarpoq. 32-niit 29-nut. Taakkununnga qaammamusiallit ilinniartullu ilaapput.”*

Naalackersuisut suliffeqarfinnut Namminersorlutik Oqartussanit pigineqartunut malinnaasutut inissisimapput, taamaattumillu Neqi A/S-ip ulluinnarni ingerlanneqarneranut atorfeqartitsisarneranullu akuutinneqaratik.

##### **a. Aappiuppat, soraarsitsinermut suut peqqutaappat?**

Akissut:

Nunalerinermut, Imminut Pilersornermut, Nukissiutitut Avatangiisinullu Naalackersuisoqarfiup Neqi A/S akissuteqartippaa. Neqi A/S imatut paasissutissiivoq:

*”Ikileriarqarneranut ilaatigut 2023-mi piffissami toqoraaffiusumi tunisat 2022-mi piffissamut toqoraaffiusumut naleqqiullugu 12%-inik ikinnerunerat peqqutaavoq.*

	<i>Savaaqqat</i>	<i>Savat</i>	<i>Tuttut</i>	<i>Nersussuit</i>	<i>Katillugit</i>
2022	292.488,75	47.164,20	4.645,70	12.419,70	356.718,35
2023	259.442,94	41.744,25	2.642,00	9.367,50	313.196,69
	88.7%	88.5%	56.9%	75.4%	87.8%

*Aamma 2023-mi kaaviiaartitat tamarmiusut 2022-mut naleqqiullutik ikileriar-simapput, tamatumalu 2024-mi ingerlaqqinnissaa ilimanarpoq.”*

**5. Naalackersuisut Neqi A/S pillugu suliamut allanik paasissutissaa-  
teqarpat?**

Akissut:

Naalackersuisut 2024-mut Neqi A/S-ip kiffartuussinissaanut isumaqatigiissute-  
qarput, ukiumut 13 mio. DKK-nik aningaasaliissuteqarfiusumik. Aningaas-  
saqarnikkut tapersiissutit Neqip ingerlanissaanut iluaqutaassapput, aammalu  
piffissamut ungasissumut aaqqiissutissamik nassaartoqarnissaata tungaanut  
ingerlatseqatigiiffimmi kalaallit nunalerisut tunisisarnerisa, toqoraasoqartarnerata  
suliareqqiisarnerullu ingerlaqqinnissaannut qulakkeerissutaassallutik.

Inussiarnersumik inuulluaqqusillunga



Kalistat Lund